

Rumantsch è ina lingua naziunala, ma ina lingua parzialmain uffiziala da la Confederaziun, numnadama in la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validat legala.

Lescha federala davart la proteczion da la natira e da la patria (LPNP)¹

dal 1. da fanadur 1966 (versiun dal 1. da schaner 2017)

L'Assamblea federala da la Confederaziun svizra,

sa basond sin l'artitgel 78 alinea 4 da la Constituzion federala², en execuziun dal Protocol da Nagoya dals 29 d'october 2010³ davart l'access a resursas geneticas e davart la repartizion equilibrada e gista dals avantatgts che resultan da lur utilisaziun tenor la Convenziun davart la diversitat biologica (Protocol da Nagoya), suenter avair gi invista da la missiva dal Cussegl federal dals 12 da november 1965^{4,5},

concluda:

Art. 1⁶

Intent En il rom da la cumpetenza da la Confederaziun tenor l'artitgel 78 alineas 2–5 da la Constituzion federala ha questa lescha l'intent:⁷

- a. da schanegiar e da proteger il maletg genuin da la cuntrada e dals lieus, ils lieus istorics sco er ils monuments naturals e culturals da la Svizra sco er da promover il mantegniment e la tgira da tals;

AS 1966 1637

¹ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

² SR 101

³ SR 0.451.432

⁴ BBI 1965 III 89

⁵ Versiun tenor l'aggiunta dal COF dals 21 da mars 2014 (Protocol da Nagoya), en vigur dapi ils 12 d'oct. 2014 (AS 2014 2629; BBI 2013 3009).

⁶ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

⁷ Versiun tenor l'aggiunta dal COF dals 21 da mars 2014 (Protocol da Nagoya), en vigur dapi ils 12 d'oct. 2014 (AS 2014 2629; BBI 2013 3009).

- b. da sustegnair ils chantuns en l'adempilment da lur incumbensas en il sectur da la protecziun da la natira, da la protecziun da la patria sco er da la tgira da monuments e da garantir la collauraziun cun tals;
- c. da sustegnair las stentas d'organisaziuns ch'èn activas en il sectur da la protecziun da la natira, da la protecziun da la patria u da la tgira da monuments;
- d.⁸ da proteger la flora e la fauna indigena sco er lur diversitat biologica e lur spazi da viver natural;
- d^{bis}.⁹ da promover il mantegniment da la diversitat biologica e l'utilisaziun persistenta da sias parts integralas tras la repartiziun equilibrada e gista dals avantatgs che resultan da l'utilisaziun da las resursas geneticas;
- e.¹⁰ da promover l'instrucziun e la perscrutaziun sco er la scolaizun e la farmaziju supplementara da spezialists en il sectur da la protecziun da la natira, da la protecziun da la patria e da la tgira da monuments.

1. secziun

Protecziun da la natira, protecziun da la patria e tgira da monuments tar l'adempilment d'incumbensas federalas¹¹

Art. 2

Adempilment
d'incumbensas
federalas

¹ Sut l'adempilment d'ina incumbensa federala en il senn da l'artitgel 24^{sexies} alinea 2 da la Constituziun federala¹² sto vegnir chapì en emprima lingia:¹³

- a.¹⁴ la planisaziun, la construcziun e la midada dad ovras e da stabiliments tras la Confederaziun, tras sias instituziuns e tras ses manaschis sco edifizis e stabiliments da l'administraziun federala, vias naziunalas, edifizis e stabiliments da las Viafiers federalas svizras;

⁸ Versiun tenor la cifra 2 da l'aggiunta da la LF dals 21 da mars 2003 davart la tecnica genetica, en vigur dapi il 1. da schan. 2004 (AS **2003** 4803; BBI **2000** 2391).

⁹ Integrà tras l'aggiunta dal COF dals 21 da mars 2014 (Protocol da Nagoya), en vigur dapi il 12 d'oct. 2014 (AS **2014** 2629; BBI **2013** 3009).

¹⁰ Questa midada tenor la LF dals 20 da zer. 2014 davart il perfecziunament, en vigur dapi il 1. da schan. 2017, concerna mo il text franzos e talian (AS **2016** 689; BBI **2013** 3729).

¹¹ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS **1996** 214; BBI **1991** III 1121).

¹² [AS **1962** 749]. Ussa: art. 78 al. 2 da la Cst. dals 18 d'avr. 1999 (SR **101**).

¹³ Versiun tenor la cifra 2 da l'aggiunta da la LF dals 21 da mars 2003 davart la tecnica genetica, en vigur dapi il 1. da schan. 2004 (AS **2003** 4803; BBI **2000** 2391).

¹⁴ Versiun tenor la cifra 7 da l'aggiunta da la LF dals 30 d'avr. 1997 davart l'organisaziun da la telecommunicaziun, en vigur dapi il 1. da schan. 1998 (AS **1997** 2480; BBI **1996** III 1306).

- b. l'emissiun da concessiuns e da permissiuns, sco talas per construir e per manar stabiliments da traffic ed implants da transport (inclusiv l'approvazion dals plans), ovras e stabiliments per transportar energia, liquids u gas u per transmetter novitads sco er l'emissiun da permissiuns da runcar;
- c. la concessiun da contribuziuns a planisaziuns, ad ovras ed a stabiliments, sco megliezaziuns, sanaziuns d'edifizis agriculs, correcziuns dals curs d'aua, stabiliments da la protecziun da las auas e stabiliments da traffic.

² Decisiuns d'autoritads chantunales concerment projects che vegnan realisads probablament mo cun contribuziuns tenor l'alinea 1 litera c han il medem status d'adempilment sco las incumbensas federalas.¹⁵

Art. 3

Obligaziuns da la Confederaziun, e dals chantuns¹⁶

¹ Cun ademplir las incumbensas federalas procuran la Confederaziun, sias instituziuns e ses manaschis sco er ils chantuns ch'il maletg genuin da la cuntrada e dals lieus, ils lieus istorics sco er ils monumets naturals e culturals vegnian schanegiads e ch'els vegnian, nua che l'interess general vi dad els predominescha, mantegnids senza restricziuns.¹⁷

² Els adempleschan questa obligaziun cun:

- a. concepir e mantegnair correspontentamain ils agens edifizis e stabiliments u desister dal tuttafatg d'als construir (art. 2 lit. a);
- b. emetter concessiuns e permissiuns mo sut cundiziuns u pretensiuns ubain las refusar (art. 2 lit. b);
- c. conceder contribuziuns mo sut cundiziuns u las refusar (art. 2 lit. c);

³ Questa obligaziun vala independentamain da l'impurtanza da l'object en il senn da l'artitgel 4. Ina mesira na dastga betg ir pli lunsch che quai che la protecziun da l'object e da ses conturns pretendta.

⁴ ...¹⁸

¹⁵ Integrà tras la cifra I 3 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da schan. 2000 (AS 1999 3071; BBI 1998 2591).

¹⁶ Versiun tenor la cifra I 3 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da schan. 2000 (AS 1999 3071; BBI 1998 2591).

¹⁷ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

¹⁸ Integrà tras la cifra I 3 da la LF dals 18 da zer. 1999 davart la coordinaziun e la simplificaziun da las proceduras da decisiun (AS 1999 3071; BBI 1998 2591). Aboli tras l'agiunta dal COF dals 21 da mars 2014 (Protocol da Nagoya), cum effect dapi il 1. da sett. 2014 (AS 2014 2629; BBI 2013 3009).

Art. 4

Classificaziun
dals objects

Concernent il maletg genuin da la cuntrada e dals lieus, dals lieus istorics sco er dals monuments naturals e culturals tenor l'artitgel 24^{sexies} alinea 2 da la Constituziun federala¹⁹ ston vegnir distinguïds:

- a. objects d'impurtanza naziunala;
- b. objects d'impurtanza regiunala e locala.

Art. 5

Inventaris da la
Confederaziun
cun objects
d'impurtanza
naziunala

¹ Il Cussegli federal fa – suenter avair consultà ils chantuns – inventaris d'objects d'impurtanza naziunala; el po sa basar sin inventaris existents d'instituziuns statalas e d'organisaziuns ch'en activas en il secur da la protecziun da la natira, da la protecziun da la patria u da la tgira da monuments.²⁰ Ils princips ch'en decisivs per tscherner ils objects ston vegnir explitgads en ils inventaris. Ultra da quai ston els cuntregnair almain:

- a. la descripzion precisa dals objects;
- b. ils motivs per sia impurtanza naziunala;
- c. ils eventuels privels;
- d. las mesiras da protecziun existentes;
- e. la protecziun che duai vegnir cuntanschida;
- f. las propostas da meglieraziun.

² Ils inventaris n'en betg definitivs. Els ston vegnir examinads e rectifitgads regularmain; il Cussegli federal decida suenter avair consultà ils chantuns, sch'ils objects vegnan incrits, midads u strigtgads da l'inventari. Ils chantuns pon pretender da sai anor in'examinaziun.

Art. 6

Impurtanza da
l'inventari

¹ Cun inscriver in object d'impurtanza naziunala en in inventari federal vegni mussà ch'el ha meritè spezialmain da vegnir mantegni senza restricziuns, en mintga cas però da vegnir schanegià uschè bain sco pussaivel applitgond mesiras da restituziun u mesiras da cumpensaziun adequatas.²¹

² En cas ch'ina incumbensa federala vegn ademplida, dastga vegnir tratga en consideraziun ina deviazion dal mantegniment senza restricziuns en il senn dals inventaris mo, sche tscherts interess equivalents u

¹⁹ [AS 1962 749]. Ussa: art. 78 al. 2 da la Cst. dals 18 d'avr. 1999 (SR 101).

²⁰ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

²¹ Versiun tenor la cifra I 3 da la LF dals 18 da zer. 1999 davart la coordinaziun e la simplificaziun da las proceduras da decisioen, en vigur dapi il 1. da schan. 2000 (AS 1999 3071; BBI 1998 2591).

superiurs ch'èn er d'impurtaanza naziunala s'opponan a quest manteignement.

Art. 7²²

Expertisa da la cumissiun

¹ Sche la Confederaziun è responsabla per ademplir ina incumbensa federala, giuditgescha tut tenor la responsablidad l'Uffizi federal d'ambient (UFAM), l'Uffizi federal da cultura u l'Uffizi federal da vias, sch'igl è necessari ch'ina cumissiun tenor l'artitgel 25 alinea 1 fetschia in'expertisa. Sch'il chantun è cumpetent, decida il servetsch chantunal tenor l'artitgel 25 alinea 2 davart questa dumonda.²³

² Sch'in object ch'è inscrit en in inventari federal tenor l'artitgel 5 po vegnir donnegià considerablament cun ademplir l'incumbensa federala u sch'i sa tschentan en quest connex dumondas fundamentalas, fa la cumissiun in'expertisa per mauns da l'autoritat da decisiun. En quella expertisa inditgescha la cumissiun, sche l'object duai vegnir mantegni senza restricziuns u co ch'el è da schanegiar.

Art. 8²⁴

Expertisa facultativa

En cas impurtants po ina cumissiun far da sai anor en mintga stadi da la procedura sia expertisa, sche objects duain vegnir schanegiads u mantegnids senza restricziuns. Ella fa quai però uschè baud sco pus-saivel. Sin dumonda ston tut ils documents necessaris vegnir mess a disposiziun ad ella.

Art. 9²⁵

Autras expertisas

Il servetsch federal cumpetent po er dumandar il post chantunal spezialisà (art. 25 al. 2), la cumissiun chantunala ch'è cumpetenta per la protecziun da la natira, per la protecziun da la patria u per la tgira da monuments u in auter organ designà dal chantun da far in'expertisa; ultra da quai po el envidar organisaziuns ch'èn activas en il sectur da la protecziun da la natira, da la protecziun da la patria u da la tgira da monuments ad ina consultazion.

²² Versiun tenor la cifra I 3 da la LF dals 18 da zer. 1999 davart la coordinazion e la simplificaziun da las proceduras da decisiun, en vigur dapi il 1. da schan. 2000 (AS 1999 3071; BBI 1998 2591).

²³ Versiun tenor l'aggiunta dal COF dals 21 da mars 2014 (Protocol da Nagoya), en vigur dapi il 1. da sett. 2014 (AS 2014 2629; BBI 2013 3009).

²⁴ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

²⁵ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

Art. 10²⁶

Posiziu
dals chantuns

En ils cas previs en ils artitgels 7, 8 e 9 sto adina er vegnir dumandada la posiziu da las regenzas chantunalas. Quellas envidan las vischnancas pertutgadas da prender posizion.

Art. 11

Resalva
concerneert ils
stabiliments
militars

En cas d'edifizis e da stabiliments militars ch'en exceptads tenor l'artitgel 126 alinea 4 da la Lescha militara dals 3 da favr 1995²⁷ da l'obligazion da dumandar ina permissiun è l'autoritat federala cumpetenta liberada da l'expertisa obligatorica.²⁸ Ella n'e er betg obligada da furnir documents per l'expertisa facultativa.

Art. 12²⁹

Dretg da far
recurs da las
vischnancas e da
las organisaziuns
1. Autorisazion
da far recurs

¹ Il dretg da far recurs cunter disposiziuns da las autoritads chantunalas u da las autoritads federalas han:

- a. las vischnancas;
- b. las organisaziuns che sa deditgeschan a la protecziun da la natira, a la protecziun da la patria, a la tgira da monuments u a finamiras sumegliantas, sut las suandardas premissas:
 - 1. l'organisaziun è activa sin plau naziunal,
 - 2. ella persequitescha finamiras puramain idealas; eventuelas activitats kommerzialas ston gidar a cuntanscher las finamiras idealas.

² Il dretg da far recurs han las organisaziuns mo per contestaziuns en secturs dal dretg che furman almain dapi 10 onns l'object da lur finamira statutara.

³ Il Cussegli federal designescha las organisaziuns che han il dretg da far recurs.

⁴ Competent per far il recurs è l'organ executiv suprem da l'organisaziun.

⁵ Per lur territori d'activitat local pon las organisaziuns autorisar lur sutorganisaziuns chantunalas ed interchantunalas, ch'en giuridicamain autonomas, da far protesta en general e da far recurs en il cas singul.

²⁶ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

²⁷ SR 510.10

²⁸ Versiun tenor la cifra 6 da l'aggiunta da la Lescha militara dals 3 da favr. 1995, en vigur dapi il 1. da schan. 1996 (AS 1995 4093; BBI 1993 IV 1).

²⁹ Versiun tenor la cifra II 1 da la LF dals 20 da dec. 2006, en vigur dapi il 1. da fan. 2007 (AS 2007 2701; BBI 2005 5351 5391). La disposiziun davart l'activitat economica en l'al. 1 lit. b cifra 2 entra en vigur il 1. da fan. 2010.

Art. 12a³⁰

2. Recurs inadmissibels cunter la decisiu davart la concessiun d'ina contribuziun federala

Il recurs cunter la decisiu da conceder ina contribuziun federala è inadmissibel, sch'igl è già vegni decidi en in autre lieu – ademplind ina incumbensa federala – cun ina disposiziun tenor l'artitgel 12 alinea 1 davart la planisaziun, davart l'ovra u davart il stabiliment.

Art. 12b³¹

3. Communi-caziun da la disposiziun

¹ L'autoritat communityescha a las vischnancas ed a las organisaziuns sias disposiziuns tenor l'artitgel 12 alinea 1 cun ina communicaziun en scrit u cun ina publicaziun en il Fegl uffizial federal u en l'organ da publicaziun chantunal. L'exposiziun publica dura per regla 30 dis.

² Sch'il dretg federal u il dretg chantunal prevesa ina procedura da protesta, ston er vegnir publitgadas las dumondas tenor l'alinea 1.

Art. 12c³²

4. Perdita da la legitimaziun da far recurs

¹ Vischnancas ed organisaziuns che n'han betg fatg recurs pon sa participar a l'ulteriur andament da la procedura mo pli sco partida, sche la disposiziun vegn midada uschia ch'ella chaschuna in preguidizi per talas. Per expropriaziuns vala la Lescha federala dals 20 da zercladur 1930³³ davart l'expropriaziun.

² Sch'ina vischnanca u in'organisaziun n'è betg sa participada ad ina procedura da protesta tenor il dretg federal u tenor il dretg chantunal, na po ella betg pli far recurs.

³ Sch'ina organisaziun n'ha betg fatg las contestaziuns admessas cunter in plan d'utilisaziun cun caracter da disposiziun u sche las contestaziuns èn vegnidas refusadas cun vigur legala, na dastga l'organisaziun betg pli far valair questas contestaziuns en ina procedura che suonda.

⁴ Ils alineas 2 e 3 valan er per protestas e per recurs tenor il dretg chantunal cunter plans d'utilisaziun.

³⁰ Integrà tras la cifra I da la LF dals 24 da mars 1995 (AS **1996** 214; BBI **1991** III 1121). Versiun tenor la cifra II 1 da la LF dals 20 da dec. 2006, en vigur dapi il 1. da fan. 2007 (AS **2007** 2701; BBI **2005** 5351 5391).

³¹ Integrà tras la cifra I da la LF dals 24 da mars 1995 (AS **1996** 214; BBI **1991** III 1121). Versiun tenor la cifra II 1 da la LF dals 20 da dec. 2006, en vigur dapi il 1. da fan. 2007 (AS **2007** 2701; BBI **2005** 5351 5391).

³² Integrà tras la cifra II 1 da la LF dals 20 da dec. 2006, en vigur dapi il 1. da fan. 2007 (AS **2007** 2701; BBI **2005** 5351 5391).

³³ SR **711**

Art. 12d³⁴

5. Cunvegna tranter ils petents e las organisaziuns

¹ Sch'ils petents e las organisaziuns fan cunvegna davart obligaziuns che concernan fatgs dal dretg public, valan quellas exclusivamain sco pretensiuns cuminaivlas a l'autoritad. Quella resguarda il resultat en sia disposiziun u en sia decisiuon. Ella renunzia a quai, sch'il resultat demussa mancanzas tenor l'artigel 49 da la Lescha federala dals 20 da december 1968³⁵ davart la procedura administrativa.

² Las cunvegna tranter ils petents e las organisaziuns concernent prestaziuns finanzialas u autres prestaziuns n'èn betg admessas, sch'ellas èn destinadas:

- a. a far valair obligaziuns dal dretg public, en spezial condizioni d'autoritats;
- b. a mesiras ch'il dretg public na prevesa betg u che na stattan en nagin connex cun il project;
- c. ad indemnizar ina renunzia d'applitgar meds legals u in autre cumportament processual.

³ L'autoritad da recurs n'entra betg en in recurs, sche quel è abusiv u sche l'organisaziun ha pretendì prestaziuns inadmissiblas en il senn da l'alinea 2.

Art. 12e³⁶

6. Cumenzament anticipà da las lavurs da construcziun

Cun las lavurs da construcziun poi vegnir cumenzà avant che la procedura è terminada, uschenavant ch'il resultat da la procedura na po betg influenzar las lavurs.

Art. 12f³⁷

7. Custs da procedura

Sche l'organisaziun perda la procedura, la vegnan adossads ils custs da la procedura da recurs davant las autoritads federalas.

³⁴ Integrà tras la cifra II 1 da la LF dals 20 da dec. 2006, en vigur dapi il 1. da fan. 2007 (AS 2007 2701; BBI 2005 5351 5391).

³⁵ SR 172.021

³⁶ Integrà tras la cifra II 1 da la LF dals 20 da dec. 2006, en vigur dapi il 1. da fan. 2007 (AS 2007 2701; BBI 2005 5351 5391).

³⁷ Integrà tras la cifra II 1 da la LF dals 20 da dec. 2006, en vigur dapi il 1. da fan. 2007 (AS 2007 2701; BBI 2005 5351 5391).

Art. 12g³⁸

Dretg da far recurs dals chantuns e da l'uffizi federal competent

¹ Ils chantuns han il dretg da far recurs cunter dispositiuns d'autoritads federalas tenor l'artitgel 12 alinea 1.

² L'uffizi federal cumpetent ha il dretg da far recurs cunter dispositiuns chantunalas tenor l'artitgel 12 alinea 1; el po applitgar ils meds legals dal dretg federal e dal dretg chantunal.

2. secziun**Sustegn da la protecziun da la natira, da la protecziun da la patria e da la tgira da monuments tras la Confederaziun ed atgnas mesiras da la Confederaziun³⁹****Art. 13⁴⁰**

Agids finanzials per mantegnair objects degns da vegnir protegids

¹ La Confederaziun po sustegnair la protecziun da la natira, la protecziun da la patria e la tgira da monuments cun conceder als chantuns – en il rom dals credits deliberads e sin basa da cunvegas da program – agids finanzials globais per mantegnair, per acquistar, per tgitirar, per perscrutar e per documentar cuntradas, maletgs da lieus, lieus istorics sco er monuments naturals e culturals degns da vegnir protegids.

² Excepziunalmain po ella conceder agids finanzials sin basa d'ina disposizion per quels projects che pretendan en il cas singul in'examinazion tras la Confederaziun.

³ L'autezza dals agids finanzials sa drizza tenor l'impurtanza dals objects che duain vegnir protegids e tenor l'efficacitad da las mesiras.

⁴ Agids finanzials vegnan concedids mo, sche las mesiras èn economicas e sch'ellas vegnan exequidas en moda professiunala.

⁵ Las mesiras da protecziun e da mantegniment ordinadas constitue-schan restricziuns da la proprietad da dretg public (art. 702 dal Cudesch civil svizzer; CCS⁴¹). Ellas obligheschan il proprietari dal bain immobigliar respectiv e ston – sin annunzia dal chantun – vegnir inscrittas en il register funsil. Il Cussegl federal regla ils cas ch'en exceptads da l'obligazion d'inscripziun.

³⁸ Integrà tras la cifra II 1 da la LF dals 20 da dec. 2006, en vigur dapi il 1. da fan. 2007 (AS 2007 2701; BBI 2005 5351 5391).

³⁹ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

⁴⁰ Versiun tenor la cifra II 7 da la LF dals 6 d'oct. 2006 davart la nova concepziun da la gulinaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

⁴¹ SR 210

Art. 14⁴²

Contribuziuns
ad organisaziuns

La Confederaziun po pajar contribuziuns als custs d'organisaziuns da la protecziun da la natira, da la protecziun da la patria e da la tgira da monuments d'impurtanza naziunala per lur activitads ch'en d'interess public.

Art. 14a⁴³

Perscrutaziun,
scolaziun, lavur
da publicitat

1 La Confederaziun po pajar contribuziuns:

- a. a projects da perscrutaziun;
- b. a la scolaziun ed a la firmazion supplementara da las personas spezialisadas;
- c. a la lavur da publicitat.

2 Sche quai è en l'interess naziunal, po ella realisar sezza talas activitads u las laschar realisar sin agens custs.

Art. 15

Acquist e preser-
vaziun d'objets
deigns da vegnir
protegids

1 Tras in contract u, sche quai n'è betg pussaivel, tras in'expropriaziun po la Confederaziun acquistar u segirar cuntradas naturalas, lieus istorics u monuments naturals e culturals d'impurtanza naziunala. El po surdar l'administraziun a chantuns, a vischnancas u ad organisaziuns.⁴⁴

2 La Lescha federala dals 20 da zercladur 1930⁴⁵ davart l'expropriaziun è applitgabla.

Art. 16

Mesiras
preventivas

Sch'in privel direct smanatscha ina cuntrada naturala en il senn da l'artitgel 15, in lieu istoric u in monument cultural d'impurtanza naziunala, po il Departament federal per ambient, traffic, energia e communicaziuni u il Departament federal da l'intern⁴⁶ metter in tal object – cun agid da mesiras a temp limità – sut la protecziun da la Confederaziun ed ordinar las mesiras da segirezza necessarias per ses mantegnimenti.⁴⁷

⁴² Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBl 1991 III 1121).

⁴³ Integrà tras la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBl 1991 III 1121).

⁴⁴ Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBl 1991 III 1121).

⁴⁵ SR 711

⁴⁶ Versiun tenor la cifra I da la LF dals 19 da zer. 1987, en vigur dapi il 1. da favr. 1988 (AS 1988 254; BBl 1985 II 1445).

⁴⁷ Il circul da las unitads administrativas pertutgadas è vegni adattà, applitgond l'art. 16 al. 3 da la O dals 17 da nov. 2004 davart las publicaziuns uffizialas (AS 2004 4937).

Art. 16a⁴⁸

Metter a
disposizion las
contribuziuns

¹ L'Assamblea federala deliberescha cun in conclus federal simpel credits generals a temp limità per garantir contribuziuns.

² La finanziazion dals secturs da la protecziun da la patria e da la tgira da monumenti sa drizza tenor l'artikel 27 da la Lescha federala dals 11 da decembre 2009⁴⁹ davart la promozion da la cultura.⁵⁰

Art. 17⁵¹

Restituzion da
contribuziuns

Sch'in object n'è pli degn da vegnir protegi, po la contribuzion pajada vegnir pretendida enavos dal tuttafatg u per part.

Art. 17a⁵²

Expertisas
spezialas

Il Cussegli federal definescha ils cas, en ils quals ina cumissiun po far – cun il consentiment dal chantun – expertisas, saja quai da sai anor u sin dumonda da terzas persunas.

3. secziun Protecziun da la fauna e da la flora indigena**Art. 18**

Protecziun
da speczias
d'animals e
da plantas

¹ Cun mantegnair spazis da viver gronds avunda (biotops) e cun prender autras mesiras adattadas èsi da prevegnir che spezias indigenas d'animals e da plantas morian or. Questas mesiras ston teginar quint dals interess agriculs e forestals ch'èn degrs da vegnir protegids.

^{1bis} En spezial ston vegnir protegids rivas, regiuns da channaida e palids, biotops da guaud rars, saivs vivas, chagliom, tschispets sitgs ed ulterius lieus che adempleschan ina funcziun da cumpensaziun ecologica u che porschan fitg bunas premissas per biocenosas.⁵³

⁴⁸ Integrà tras la cifra 9 da l'aggiunta da la Lescha da subvenziuns dals 5 d'oct. 1990 (AS 1991 857; BBI 1987 I 369). Versiun tenor la cifra II 7 da la LF dals 6 d'oct. 2006 davart la nova concepziun da la gativaziun da finanzas e da la repartiziun da las incumbensiás trantre la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

⁴⁹ SR 442.1

⁵⁰ Integrà tras la cifra II 5 da l'aggiunta da la LF dals 11 da dec. 2009 davart la promozion da la cultura, en vigur dapi il 1. da schan. 2012 (AS 2011 6127; BBI 2007 4819 4857).

⁵¹ Versiun tenor la cifra 9 da l'aggiunta da la Lescha da subvenziuns dals 5 d'oct. 1990, en vigur dapi il 1. d'avr. 1991 (AS 1991 857; BBI 1987 I 369).

⁵² Integrà tras la cifra I da la LF dals 24 da mars 1995, en vigur dapi il 1. da favr. 1996 (AS 1996 214; BBI 1991 III 1121).

⁵³ Integrà tras l'art. 66 cifra 1 da la LF dals 7 d'oct. 1983 davart la protecziun da l'ambient, en vigur dapi il 1. da schan. 1985 (AS 1984 1122; BBI 1979 III 749).

^{1ter} Sch'i n'è betg pussaivel d'evitar, tegnend quint da tut ils interess, che las intervensiuns tecnicas disturbian biotops degns da vegnir protegids, sto il chaschunader prender mesiras spezialas per la meglra protecziun pussaivla, per il restabiliment ubain per in'autra cumpensaziun adequata da queste biotops.⁵⁴

² Tar il cumbat cunter parasits, en spezial cun substanzas toxicas, stoi vegnir fatg attenziun che spezias d'animals e da plantas degnas da vegnir protegidas na vegnian betg periclitadas.

³ En lieus adattads po la Confederazion promover la recolonisaziun da spezias ch'èn mortas or u ch'èn periclitadas da murir or en Svizra en la natira.

⁴ La legislaziun federala davart la chatscha e davart la protecziun dals utschels sco er davart la pestga resta resalvada.

Art. 18a⁵⁵

Biotops
d'impurta
naziunala

¹ Il Cussegli federal designescha – suenter avair tadlà ils chantuns – ils biotops d'impurta naziunala. El fixescha la situaziun da queste biotops e determinescha las finamiras da protecziun.

² Ils chantuns ordineschan la protecziun ed il mantegniment dals biotops d'impurta naziunala. Els prendan ad ura las mesiras cunvegnetas e procuran che quellas vegnian exequidas.

³ Il Cussegli federal po – suenter avair tadlà ils chantuns – fixar termins per ordinar las mesiras da protecziun. Sch'in chantun n'ordinescha betg ad ura las mesiras da protecziun malgrà in'admonizjun, po il Departament federal per ambient, traffic, energia e communicaziun⁵⁶ prender las mesiras necessarias ed adossar al chantun ina part commensurada dals custs.

Art. 18b⁵⁷

Biotops d'im
purta
regionala e locala e
cumpensaziun
ecologica

¹ Ils chantuns procuran per la protecziun e per il mantegniment dals biotops d'impurta regiunala e locala.

² En territoris che vegnan duvrads intensivamain entaifer ed ordaifer ils abitatidis procuran ils chantuns per ina cumpensaziun ecologica cun chagliom, cun saivs vivas, cun surplantaziuns da las rivas u cun in'autra vegetaziun natirala che correspunda al lieu. En quest regard ston vegnir observads ils interess da l'utilisaziun agricula.

⁵⁴ Integrà tras l'art. 66 cifra 1 da la LF dals 7 d'oct. 1983 davart la protecziun da l'ambient, en vigur dapi il 1. da schan. 1985 (AS **1984** 1122; BBI **1979** III 749).

⁵⁵ Integrà tras la cifra I da la LF dals 19 da zer. 1987, en vigur dapi il 1. da favr. 1988 (AS **1988** 254; BBI **1985** II 1445).

⁵⁶ La designaziun da l'unità administrativa è vegnida adattada, applitgond l'art. 16 al. 3 da la O dals 17 da nov. 2004 davart las publicaziuns uffizialas (AS **2004** 4937).

⁵⁷ Integrà tras la cifra I da la LF dals 19 da zer. 1987, en vigur dapi il 1. da favr. 1988 (AS **1988** 254; BBI **1985** II 1445).

Art. 18c⁵⁸

Posizun dals proprietaris dals bains immobigliars e dals cultivaturs

¹ La protecziun ed il mantegniment dals biotops duain vegnir cuntaschids sche pussaivel sin basa da cunvegnaas cun ils proprietaris dals bains immobigliars e cun ils cultivaturs sco er tras in'utilisaziun agricula e forestala adattada.

² Ils proprietaris dals bains immobigliars u ils cultivaturs han il dretg da vegnir indemnisaads adequatamain, sch'els restrenschans l'utilisaziun vertenta en l'interess da la finamira da protecziun u sch'els furneschan ina prestazion senza in gudogn economic correspondent.

³ Sch'in proprietari d'in bain immobiliar tralascha l'utilisaziun ch'è necessaria per cuntanscher la finamira da protecziun, sto el tolerar l'utilisaziun da terzas persunas ordinada da las autoritads.

⁴ Uschenavant che l'acquist da terren è necessari per cuntanscher la finamira da protecziun, han ils chantuns il dretg d'expropriaziun. En lur prescripziuns executivas pon els declarar la Lescha federala dals 20 da zercladur 1930⁵⁹ davart l'expropriaziun sco applitgabla. En quest cas decida la regenza chantunala davart protestas ch'èn restadas dispiativaas. Sch'il territori da l'object da protecziun s'estenda sin plirs chantuns, è applitgabla la Lescha federala davart l'expropriaziun.

Art. 18d⁶⁰

Finanziaziun

¹ La Confederaziun conceda als chantuns en il rom dals credits deliberaads e sin basa da cunvegnaas da program indemnisiations globalas per proteger e per mantegnair biotops d'impurtanza naziunala, regiunala e locala sco er per la cumpensaziun ecologica.

² Excepziunalmain po ella conceder sin basa d'ina disposiziun indemnisiations per projects che pretendan en il cas singul in'examinaziun tras la Confederaziun.

³ L'autezza da las indemnisiations sa drizza tenor l'impurtanza dals objects che duain vegnir protegids e tenor l'efficacitad da las mesiras.

⁴ Indemnisiations vegnan concedidas mo, sche las mesiras èn economicas e sch'ellas vegnan exequidas en moda professiunala.

⁵ La Confederaziun surpiglia ils custs per designar ils biotops d'impurtanza naziunala.

⁵⁸ Integrà tras la cifra I da la LF dals 19 da zer. 1987, en vigur dapi il 1. da favr. 1988 (AS **1988** 254; BBI **1985** II 1445).

⁵⁹ SR **711**

⁶⁰ Integrà tras la cifra I da la LF dals 19 da zer. 1987 (AS **1988** 254; BBI **1985** II 1445). Versiun tenor la cifra II 7 da la LF dals 6 d'oct. 2006 davart la nova concepziun da la gulinaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS **2007** 5779; BBI **2005** 6029).

Art. 19

Rimnar plantas selvadias e tschiffar animals selvadis per intets commerzials dovri ina permissiun da l'autoritat chantunala cumpeten-ta. Quella po limitar la permissiun a tschertas spezias, a tschertas cun-tradas, a tschertas stagjuns, a tschertas quantitads u ad auters criteris e scumandar il rimnar u il tschiffar organisà sco er la reclama per quai.

Exceptads èn l'utilisaziun ordinaria agricula e forestala sco er il rimnar bulieus, pumaraida, ervas da té ed ervas medicinalas en ina dimensiun usitada al lieu, nun ch'i sa tractia da spezias protegidas.

Art. 20

Protecziun da plantas raras e d'animals rars

¹ Il Cussegli federal po scumandar dal tuttafatg u per part da cleger, da chavar ora, da strair ora, da manar davent, d'offrir, da vender, da cum-prar u da destruir plantas raras. Medemamain po el prender mesiras correspondentes per proteger spezias d'animals periclitadas u autramain degnas da vegnir protegidas.⁶¹

² Ils chantuns pon decretar tals scumonds per ulteriuras spezias.

³ Il Cussegli federal po ultra da quai coliar cun cundiziuns, limitar u scumandar per motivs da la protecziun da las spezias da metter en circulaziun, sco er d'importar, d'exportar u da laschar transportar tras la Svizra plantas u products da plantas.⁶²

Art. 21⁶³

Vegetaziun da las rivas

¹ La vegetaziun da las rivas (effectivs da channa e da schervettas, vegetaziuns da las zonas umidas sco er autres societads naturalas da plantas en il sectur da las rivas) na dastga ni vegnir runcada ni vegnir cuvruda ni vegnir manada en in'autra moda a la piriziun.

² Sche las relaziuns permettan quai, procuran ils chantuns che la vegetaziun da la riva vegnia emplantada là, nua ch'ella manca, ubain che almain las premissas vegnian stgaffidas per ch'ella possia prosperar.⁶⁴

Art. 22

Permissiuns excepcionalas

¹ L'autoritat chantunala cumpetenta po permetter excepziuns en tscherts territoris per rimnar e per chavar ora plantas protegidas e per

⁶¹ Versiun da la segunda frasa tenor la cifra 2 da la aggiunta da la LF dals 21 da mars 2003 davart la tecnica genetica, en vigur dapi il 1. da schan. 2004 (AS **2003** 4803; BBI **2000** 2391).

⁶² Integrà tras la cifra I da la LF dals 21 da zer. 1996, en vigur dapi il 1. da fan. 1997 (AS **1997** 1152; BBI **1995** IV 629).

⁶³ Versiun tenor l'art. 66 cifra 1 da la LF dals 7 d'oct. 1983 davart la protecziun da l'ambient, en vigur dapi il 1. da schan. 1985 (AS **1984** 1122; BBI **1979** III 749).

⁶⁴ Integrà tras l'art. 75 cifra 2 da la LF dals 24 da schan. 1991 davart la protecziun da las auas (AS **1992** 1860; BBI **1987** II 1061). Versiun tenor la cifra I da la LF dals 24 da mars 1995, en vigur dapi il 1. da favr. 1996 (AS **1996** 214; BBI **1991** III 1121).

tschiffar animals per motivs scientifics sco er per motivs da scolaziun e da guariziun.

² Ella po permetter d'allontanar la vegetazion da las rivas per projects liads al lieu en ils cas permess da la legislaziun davart la polizia da construcziuns idraulicas u davart la protecziun da las auas.⁶⁵

³ Sch'in auter decret dat ad in'autoritat federala la cumpetenza da decider davart in project, conceda questa autoritat la permissiun excepziunala. ...^{66,67}

Art. 23⁶⁸

Spezias estras d'animals e da plantas:
obligaziun da dumandar ina permissiun

La colonisaziun da spezias, da sutspezias e da razzas d'animals e da plantas d'auters pajais u d'auters lieus dovrà la permissiun dal Cussegli federal. Exceptads da quai èn clasiras, ierts e parcs sco er manaschis agriculs e forestals.

Secziun 3a⁶⁹

Palids e cuntradas da palì da bellezza particulara e d'impurtanza naziunala

Art. 23a

Protecziun da las palids

Per proteger palids da bellezza particulara e d'impurtanza naziunala valan ils artitgels 18a, 18c e 18d.

Art. 23b

Noziun e cunfinaziun da cuntradas da pali

¹ Ina cuntrada da pali è ina cuntrada naturala ch'è caracterisada en ina moda speziala da palids. Sia part libra da palids stat en ina stretga relaziun ecologica, visuala, culturala ed istorica cun las palids.

² Ina cuntrada da pali è da bellezza particulara e d'impurtanza naziunala, sch'ella:

- a. è unica en ses gener; u
- b. tutga tar las cuntradas da pali las pli preziousas d'ina gruppda da cuntradas da pali cumparegliablas.

⁶⁵ Versiun tenor l'art. 75 cifra 2 da la LF dals 24 da schan. 1991 davart la protecziun da las auas, en vigur dapi il 1. da nov. 1992 (AS **1992** 1860; BBI **1987** II 1061).

⁶⁶ Aboli la seconda frasa tras la cifra 13 da la LF dals 18 da zer. 1999 davart la coordinaziun e la simplificaziun da las proceduras da decisiun, cun effect dapi il 1. da schan. 2000 (AS **1999** 3071; BBI **1998** 2591).

⁶⁷ Versiun tenor la cifra 6 da l'aggiunta da la Lescha militara dals 3 da favr. 1995, en vigur dapi il 1. da schan. 1996 (AS **1995** 4093; BBI **1993** IV 1).

⁶⁸ Versiun tenor l'art. 27 cifra 2 da la Lescha da chatscha dals 20 da zer. 1986, en vigur dapi il 1. d'avr. 1988 (AS **1988** 506; BBI **1983** II 1197).

⁶⁹ Integrà tras la cifra 1 da la LF dals 24 da mars 1995, en vigur dapi il 1. da favr. 1996 (AS **1996** 214; BBI **1991** III 1121).

³ Resguardond l'urbanisaziun e l'utilisaziun existenta designescha il Cussegli federal las cuntradas da pali da bellezza particulara e d'impurtanza naziunala ch'èn degnas da vegnir protegidas e determinescha lur situaziun. En quest connex collavura el stregamain cun ils chantuns che consulteschan da lur vart ils proprietaris dals bains immobiliars pertutgads.

⁴ La Confederaziun finanziescha la designaziun da las cuntradas da pali da bellezza particulara e d'impurtanza naziunala.

Art. 23c

Protecziun da las cuntradas da pali

¹ Sco finamira da protecziun generala vala il mantegniment da quellas caracteristicas naturalas e culturalas da las cuntradas da pali che determineschan lur bellezza particulara e lur impurtanza naziunala. Il Cussegli federal fixescha las finamiras da protecziun che tegnan quint da la particularitat da las cuntradas da pali.

² Ils chantuns procuran per la concretisaziun e per l'execuziun da las finamiras da protecziun. Els prendan ad ura las mesiras ch'èn cunvengentas per proteger e per mantegnair las cuntradas da pali. Ils artigels 18a alinea 3 e 18c èn applitgabels tenor il senn.

³ La Confederaziun conceda als chantuns en il rom dals credits deliberauds e sin basa da cunvegas da program indemnisiaziuns globalas per las mesiras da protecziun e da mantegniment.⁷⁰

⁴ Excepzialmain po ella conceder sin basa d'ina disposiziun indemnisiaziuns per projects che pretendan en il cas singul in'examinaziun tras la Confederaziun.⁷¹

⁵ L'autezza da las indemnisiaziuns sa drizza tenor l'efficacitad da las mesiras.⁷²

⁶ Indemnisiaziuns vegnan concedidas mo, sche las mesiras èn economicas e sch'ellas vegnan exequidas en moda professiunala.⁷³

⁷⁰ Versiun tenor la cifra II 7 da la LF dals 6 d'oct. 2006 davart la nova concepziun da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

⁷¹ Integrà tras la cifra II 7 da la LF dals 6 d'oct. 2006 davart la nova concepziun da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

⁷² Integrà tras la cifra II 7 da la LF dals 6 d'oct. 2006 davart la nova concepziun da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

⁷³ Integrà tras la cifra II 7 da la LF dals 6 d'oct. 2006 davart la nova concepziun da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

Art. 23d

Furmazjun ed utilisaziun da las cuntradas da pali

¹ Igl è admess da furmar e da duvrar las cuntradas da pali, sche quai na cuntrafa betg al mantegniment da las particularitads ch'èn tipicas per las cuntradas da pali.

² Sut la premissa da l'alinea 1 èn admess spezialmain:

- a. l'utilisaziun agricula e forestala;
- b. il mantegniment e la renovaziun d'edifizis e da stabiliments construids legalmain;
- c. mesiras per proteger ils umans cunter eveniments da la natira;
- d. ils indrizs d'infrastructura ch'èn necessaris per applitgar ils bustabs a-c.

Secziun 3b⁷⁴ Pares d'impurtanza naziunala**Art. 23e**

Noziun e categorias

¹ Parcs d'impurtanza naziunala èn territoris che han ina natira ed ina cuntrada da gronda valur.

² Els vegnan dividids en las categorias:

- a. parc naziunal;
- b. parc natural regional;
- c. parc natural d'aventura.

Art. 23f

Parc naziunal

¹ In parc naziunal è in territori pli grond che porscha spazis da viver intacta a la fauna ed a la flora indigena e che serva al svilup natural da la cuntrada.

² En quest rom serva el er:

- a. a la recreaziun;
- b. a l'educaziun ambientala;
- c. a la perscrutaziun scientifica, en spezial da la flora e da la fauna indigena sco er dal svilup natural da la cuntrada.

³ El sa cumpona:

- a. d'ina zona centrala, en la quala la natira vegn surlaschada a sasezza ed a la quala la publicitat ha mo in access limità;

⁷⁴ Integrà tras la cifra I da la LF dals 6 d'oct. 2006, en vigur dapi il 1. da dec. 2007 (AS 2007 5237; BBl 2005 2151).

- b. d'ina zona periferica, en la quala la cuntrada da cultura vegn cultivada en ina moda che respecta la natira ed è protegida cunter intervenziuns dischavantagiusas.

Art. 23g

Parc natural
regiunal

- ¹ In parc natural regiunal è in territori pli grond, populà per part, ch'è caracterisà spezialmain da particularitads da sia natira e da sia cuntrada cultivada e dal qual ils edifizis e stabiliments s'integreschan en il maletg da la cuntrada ed en il maletg dals lieus.
- ² En il parc natural regiunal vegn:
- mantegnida ed augmentada la qualitat da la natira e da la cuntrada;
 - rinforzada l'economia che vegn exequida en moda persistenta e promovida la commerzialisaziun da ses products e da ses servetschs.

Art. 23h

Parc natural
d'aventura

- ¹ In parc natural d'aventura è in territori che sa chatta en la vischinanza d'in territori fermemain populà, che porscha spazis da viver intacts a la fauna ed a la flora indigena e che pussibilitescha a la publicitat da far experientschas en la natira.
- ² En quest rom serva el er a l'educaziun ambientala.
- ³ El sa cumpona:
- d'ina zona centrala, en la quala la natira vegn surlaschada a sasezza ed a la quala la publicitat ha mo in access limità;
 - d'ina zona transitorica, en la quala igl è pussaivel da far experientschas en la natira e la quala serva sco zona da plimatsch cunter influenzas nuschaivlas per la zona centrala.

Art. 23i

Sustegn
d'iniziativas
regiunalas

- ¹ Ils chantuns sustegnan stentas regiunalas per installar e per mante-gnair parcs d'impurtanza naziunala.
- ² Els procuran che la populaziun en las vischnancas pertutgadas possia cooperar en moda adequata.

Art. 23j

Label da parc e
da products

- ¹ La Confederaziun conceda a l'instituziun purtadra d'in parc sin dumonda dals chantuns in label da parc, sch'il parc:

- a. vegn segirà a lunga vista cun mesiras cunvegnantas;
- b. ademplescha las pretensiuns tenor l'artigel 23f, 23g u 23h u tenor ils artitgels 23e, 23i alinea 2 e 23l literas a e b.

² L'instituizion pertadra d'in parc cun label da parc conceda a las personas ed als manaschis, che produceschan en il parc products en moda persistenta u che furneschan servetschs, sin dumonda in label da products per caracterisar questi products e questi servetschs.

³ Ils labels da parc e da products vegnan concedids a temp limità.

Art. 23k

Agids finanzials

¹ En il rom dals credits deliberads e sin basa da cunvegna da program conceda la Confederaziun als chantuns agids finanzials globais per installar, per manar e per seguir la qualität da parcs d'impurtaanza naziunala:

- a. sch'ils parcs adempleschan las pretensiuns tenor l'artigel 23j alinea 1 literas a e b;
- b. sche las mesiras pretendiblas per gidar sasez e las autres pussaivladads da finanziaziun na bastan betg;
- c. sche las mesiras èn economicas e vegnan exequidas en moda professiunala.

² L'autezza dals agids finanzials sa drizza tenor l'efficacitad da las mesiras.

Art. 23l

Prescripziuns dal Cussegli federal

Il Cussegli federal decretescha prescripziuns davart:

- a. las pretensiuns per conceder labels da parc e da products a parcs d'impurtaanza naziunala, en spezial davart la grondezza dal territori, davart las utilisaziuns admessas, davart las mesiras da protecziun e davart la garanzia dals parcs a lunga vista;
- b. la concessiun e l'utilisaziun dals labels da parc e da products;
- c. la conclusiun da cunvegna da program e la controlla da l'efficacitad dals agids finanzials globais da la Confederaziun;
- d. il sustegn da la perscrutazion scientifica davart parcs d'impurtaanza naziunala.

Art. 23m

Parc naziunal existent en il chantun Grischun

¹ Per il parc naziunal existent en il chantun Grischun vala la Lescha dals 19 da december 1980⁷⁵ davart il Parc naziunal.

² La Confederaziun po conceder a la fundazion «Parc naziunal svizzer» il label da parc già avant in eventual engrondiment cun ina zona periferica tenor l'artitgel 23*f* alinea 3 litera b.

³ Ses eventual engrondiment cun ina zona periferica vegn promovi tenor l'artitgel 23*k*.

Secziun 3c⁷⁶ Resursas geneticas**Art. 23n⁷⁷**

Duairetta da
diligenza

¹ Tgi che – tenor il Protocol da Nagoya – utilisescha resursas geneticas u obtegna directamain avantatgs da l'utilisaziun da quellas (utilisader), sto agir cun tut la diligenza pretendida tenor las circumstanzas per garantir:

- a. che l'access a las resursas geneticas haja gi lieu en moda legala; e
- b. ch'i sajan vegnidias fixadas en moda consensuala cundiziuns davart la repartizion equilibrada e gista dals avantatgs resultads.

² Betg suttamessas al duairetta da diligenza èn las resursas geneticas che:

- a. derivan d'in pajais che n'è betg part contractanta dal Protocol da Nagoya;
- b. derivan d'in pajais, nua ch'i mancan prescripcions naziunalias davart l'access e davart la repartizion dals avantatgs;
- c. derivan d'in territori ch'è situà ordaifer ils cunfini da la giurisdicziun naziunala d'ina part contractanta dal Protocol da Nagoya;
- d. èn cumpigliadas d'ina regulaziun internaziunala speziala tenor l'artitgel 4 dal Protocol da Nagoya per lur utilisaziun specifica;
- e. èn resursas geneticas umanas;
- f. na vegnan betg utilisadas sco bains da commerzi u da consum en il senn dal Protocol da Nagoya.

⁷⁵ SR 454

⁷⁶ Integrà tras l'aggiunta dal COF dals 21 da mars 2014 (Protocol da Nagoya), en vigur dapi ils 12 d'oct. 2014 (AS 2014 2629; BBI 2013 3009).

⁷⁷ Vesair er art. 25*d*

³ L'utilisaziun da resursas geneticas tenor l'alinea 1 cumpiglia la realisaziun d'activitads da perscrutazion e da svilup vi da la cumposizion genetica u biochemica da resursas geneticas inclusiv l'applicazion da la biotecnologia.

⁴ L'access tenor l'alinea 1 litera a è legal, sch'el correspunda tenor il Protocol da Nagoya a las prescripcions naziunalas davart l'access e davart la repartiziun dals avantatgs da quellas parts contractantas dal Protocol da Nagoya che mettan a disposizion las resursas.

⁵ Sche las pretensiuns tenor l'alinea 1 literas a e b n'en betg ademplidas, sto l'utilisader procurar per l'adempilment posteriur ubain desister d'utilisar las resursas geneticas pertutgadas u d'obtegnair avantatgs directs da lur utilisaziun. Per situaziuns d'urgenza po il Cussegl federal prevair che las pretensiuns per resursas geneticas, ch'en organissem patogens u nuschaivels, possian vegnir ademplidas cun retard.

⁶ Il Cussegl federal regla tge infurmaziuns davart las resursas geneticas utilisadas che ston vegnir registradas e dadas vinavant ad utilisaders successivs.

Art. 23o⁷⁸

Obligaziun d'annunzia

¹ L'observaziun dal duair da diligenza sto vegnir annunziada al UFAM avant l'autorisaziun d'admissiun al martgà ubain, sch'ina tala n'e betg necessaria, avant la kommerzialisaziun da products, dals quals il svilup sa basa sin l'utilisaziun da resursas geneticas.

² Infurmaziuns en connex cun l'observaziun dal duair da diligenza pon vegnir tramezzas vinavant al Center internazional d'infurmazion tenor l'artigel 14 dal Protocol da Nagoya ed ad autoritads naziunalas cumpetentas da las parts contractantas dal Protocol da Nagoya. Il num da la persuna che ha fatg l'annunzia, il product che duai vegnir kommerzialisà, la resursa genetica utilisada, la data da l'access a quella sco er sia funtauna vegnan rendids accessibels a la publicidad.

³ Il Cussegl federal designescha ils posts ch'en cumpetents per examinar l'observaziun da l'obligaziun d'annunzia. El po prevair excepziuns da l'obligaziun d'annunzia, sche l'examinaziun u l'observaziun da l'obligaziun d'annunzia vegn garantida en in'autra moda.

Art. 23p

Enconuschien- tschas tradiziunalas

Ils artitgels 23n e 23o valan er per enconuschientschas tradiziunalas da cuminanzas indigenas e domiciliadas al lieu che sa refereschan a resursas geneticas, nun che questas enconuschientschas tradiziunalas sajan gia accessiblas libramain a la publicidad.

Resursas
geneticas en
Svizra

Art. 23q

- 1 Il Cussegli federal po far dependent l'access a resursas geneticas en Svizra d'ina annunzia u d'ina permissiun sco er supplementarmain d'ina cunvegna che regla l'utilisaziun da las resursas geneticas e la repartiziun dals avantatgs che resultan da quai.
- 2 La Confederaziun po sustegnair il mantegniment e l'utilisaziun persistenta da las resursas geneticas.

4. secziun Disposiziuns penales

Art. 24⁷⁹

Delicts

- 1 Cun in chasti da detenziun fin 1 onn u cun in chasti pecuniar vegn chastià, tgi che fa intenziunadamax e senza autorisaziun il suandard:⁸⁰
 - a.⁸¹ destruiescha u donnegia grevamain in monument natural u cultural protegi da questa lescha, in lieu istoric protegi, ina cuntrada naturala protegida u in biotop protegi;
 - b. runca, cuvra u maina en in'autra moda a la pirizun la vegetaziun da las rivas;
 - c.⁸² destruiescha u donnegia grevamain objects naturals u antiquitads da valor scientifica che sa chattan en il terren⁸³ (art. 724 al. 1 CCS⁸⁴);
 - d.⁸⁵ ...
- 2 Sch'il delinquent agescha per negligentscha, importa la multa fin a 40 000 francs.⁸⁶

79 Versiun tenor la cifra I da la LF dals 19 da zer. 1987, en vigur dapi il 1. da favr. 1988 (AS **1988** 254; BBI **1985** II 1445).

80 Versiun tenor l'art. 333 dal Cudesch penal (SR **311.0**) en la versiun da la LF dals 13 da dec. 2002, en vigur dapi il 1. da schan. 2007 (AS **2006** 3459; BBI **1999** 1979).

81 Versiun tenor la cifra I da la LF dals 24 mars 1995, en vigur dapi il 1. da favr. 1996 (AS **1996** 214; BBI **1991** III 1121).

82 Integrà tras la cifra I da la LF dals 24 da mars 1995 (AS **1996** 214; BBI **1991** III 1121). Versiun tenor l'art. 32 cifra 4 da la LF dals 20 da zer. 2003 davant il transferimenti da bains culturals, en vigur dapi il 1. da zer. 2005 (AS **2005** 1869; BBI **2002** 535).

83 Rectifitgà da la Cumissiun da redaczion da l'Assamblea federala (art. 58 al. 1 LParl; SR **171.10**).

84 SR **210**

85 Integrà tras la cifra I da la LF dals 21 da zer. 1996 (AS **1997** 1152; BBI **1995** IV 629). Aboli tras la cifra I da l'aggiunta 1 da la LF dals 16 da mars 2012 davant il traffic cun spezias d'animals e da plantas protegidas, cum effect dapi il 1. d'oct. 2013 (AS **2013** 3095; BBI **2011** 6985).

86 Versiun tenor l'art. 333 dal Cudesch penal (SR **311.0**) en la versiun da la LF dals 13 da dec. 2002, en vigur dapi il 1. da schan. 2007 (AS **2006** 3459; BBI **1999** 1979).

Art. 24a⁸⁷

Surpassaments

¹ Cun ina multa fin a 20 000 francs vegn chastià, tgi che:

- a. n'ademplescha betg ina cundizion u ina pretensiun ch'è vegnida liada a la concessiun d'ina contribuziun federala renviond a questa disposiziun penală;
- b.⁸⁸ contrafa ad ina prescripziun executiva ch'è vegnida decretada sin basa dals artitgels 16, 18, 18a, 18b, 18c, 19, 20, 23c, 23d e 25a e da la quala il surpassament è vegni declarà sco chastiabel;
- c. commetta nunautorisadomain in act, per il qual è necessaria ina permissiun tenor ils artitgels 19, 22 alinea 1 u 23.

² Cun ina multa fin a 100 000 francs vegn chastià, tgi che resista intenziunadomain a far las indicaziuns tenor l'artitgel 23o ubain fa intenziunadomain indicaziuns faussas; sch'il delinquent agescha per negligentscha, vegn el chastià cun ina multa fin a 40 000 francs. Il derschader po ordinar la publicaziun da la sentenzia.⁸⁹

Art. 24b⁹⁰Applicaziun
per persunas
giuridicas e
per societads
commerzialas

Ils artitgels 6 e 7 da la Lescha federala dals 22 da mars 1974⁹¹ davart il dretg penal administrativ èn applitgablas.

Art. 24c⁹²

Confiscaziun

L'artitgel 69 dal Cudesch penal⁹³ davart la confiscaziun d'objects u d'avantatgs da facultad ch'en vegnids acquistads tras in malfatg è applitgabel.

⁸⁷ Integrà tras la cifra I da la LF dals 19 da zer. 1987, en vigur dapi il 1. da favr. 1988 (AS **1988** 254; BBI **1985** II 1445).

⁸⁸ Versiun tenor la cifra I da la LF dals 21 da zer. 1996, en vigur dapi il 1. da fan. 1997 (AS **1997** 1152; BBI **1995** IV 629).

⁸⁹ Integrà tras l'aggiunta dal COF dals 21 da mars 2014 (Protocol da Nagoya), en vigur dapi ils 12 d'oct. 2014 (AS **2014** 2629; BBI **2013** 3009).

⁹⁰ Integrà tras la cifra I da la LF dals 19 da zer. 1987, en vigur dapi il 1. da favr. 1988 (AS **1988** 254; BBI **1985** II 1445).

⁹¹ SR **313.0**

⁹² Integrà tras la cifra I da la LF dals 19 da zer. 1987 (AS **1988** 254; BBI **1985** II 1445). Versiun tenor l'art. 334 dal Cudesch penal (SR **311.0**) en la versiun da la LF dals 13 da dec. 2002, en vigur dapi il 1. da schan. 2007 (AS **2006** 3459; BBI **1999** 1979).

⁹³ SR **311.0**

Art. 24d⁹⁴

Persecuziun
penala

- ¹ La persecuziun penala è chaussa dals chantuns.
² ...⁹⁵

Art. 24e⁹⁶

Restabiliment
dal stadi legal

Tge che donnegia in monument natiral u cultural protegì da questa lescha, in lieu istoric protegi, ina cuntrada naturala protegida, in biotop protegì u ina vegetazion da las rivas protegida po vegrir obligà – independentamain d'ina procedura penala:

- a. d'eliminar las mesiras ch'èn veginidas prendidas illegalmain;
- b. da surpigliar ils custs che resultan tras l'eliminaziun dal donn;
- c. da prestar ina cumpensaziun adequata, sch'il restabiliment n'è betg pussaivel.

5. secziun Execuziun, organisaziun ed infurmaziun⁹⁷**Art. 24f⁹⁸**

Cumpetenzas
executivas dals
chantuns

Ils chantuns exequeschon questa lescha, nun che l'execuziun saja attribuida a la Confederaziun. Els decreteschon las prescripziuns necessarias.

Art. 24g⁹⁹

Surveglianza e
coordinaziun tras
la Confederaziun

- ¹ La Confederaziun surveglia l'execuziun da questa lescha.
² Ella coordinescha las mesiras executivas dals chantuns e dals servetschs federrals pertutgads.

⁹⁴ Integrà tras la cifra I da la LF dals 19 da zer. 1987, en vigur dapi il 1. da favr. 1988 (AS **1988** 254; BBI **1985** II 1445).

⁹⁵ Integrà tras la cifra I da la LF dals 21 da zer. 1996 (AS **1997** 1152; BBI **1995** IV 629). Aboli tras la cifra I da l'agiunta I da la LF dals 16 da mars 2012 davart il traffic cun spezias d'animals e da plantas protegidas, cun effect dapi il 1. d'oct. 2013 (AS **2013** 3095; BBI **2011** 6985).

⁹⁶ Integrà tras la cifra I da la LF dals 19 da zer. 1987 (AS **1988** 254; BBI **1985** II 1445). Versiun tenor la cifra I da la LF dals 24 mars 1995, en vigur dapi il 1. da favr. 1996 (AS **1996** 214; BBI **1991** III 1121).

⁹⁷ Versiun tenor l'agiunta dal COF dals 21 da mars 2014 (Protocol da Nagoya), en vigur dapi il 1. da sett. 2014 (AS **2014** 2629; BBI **2013** 3009).

⁹⁸ Integrà tras l'agiunta dal COF dals 21 da mars 2014 (Protocol da Nagoya), en vigur dapi il 1. da sett. 2014 (AS **2014** 2629; BBI **2013** 3009).

⁹⁹ Integrà tras l'agiunta dal COF dals 21 da mars 2014 (Protocol da Nagoya), en vigur dapi il 1. da sett. 2014 (AS **2014** 2629; BBI **2013** 3009).

Art. 24h¹⁰⁰

Cumpetenzas executivas da la Confederaziun

¹ L'autoritat federala che exequescha in'autra lescha federala u in contract internaziunal è – ademplind questa incumbensa – cumpetenta er per exequir questa lescha. Avant che prender ina decisiu lascha ella vegin a pled ils chantuns pertutgads. Il UFAM, l'Uffizi federal da cultura, l'Uffizi federal da vias ed ils ulteriurs servetschs federrals pertutgads cooperesch an a l'execuziun tenor ils artitgels 62a e 62b da la Lescha federala dals 21 da mars 1997¹⁰¹ davart l'organisaziun da la regenza e da l'administraziun.

² Sche la procedura tenor l'alinea 1 n'è betg adattada per tschertas incumbensas, regla il Cussegl federal l'execuziun tras ils servetschs federrals pertutgads.

³ La Confederaziun exequescha las prescripziuns davart resursas geneticas (art. 23n–23q); ella po engaschar ils chantuns per tschertas incumbensas parzialas.

⁴ Las autoritads executivas da la Confederaziun resguardan las mesiras ch'ils chantuns han prendi a favur da la protecziun da la natira e da la patria.

Art. 25¹⁰²

Organisaziun¹⁰³

¹ Il Cussegl federal nominescha ina u pliras cumissiuns consultatiwas per la protecziun da la natira, per la protecziun da la patria e per la tgira da monuments.

² Ils chantuns designeschan posts spezialisads per la protecziun da la natira, per la protecziun da la patria e per la tgira da monuments.

Art. 25a¹⁰⁴

Infurmaziun e cussegliazion

¹ La Confederaziun ed ils chantuns procuran per l'infurmaziun e per la cussegliazion da las autoritads e da la publicidad concernent l'impurtaanza e concernent il stadi da la natira e da la cuntrada.

² Ella ed els recumondan mesiras da protecziun e da mantegniment adattadas.

¹⁰⁰ Integrà tras l'agiunta dal COF dals 21 da mars 2014 (Protocol da Nagoya), en vigur dapi il 1. da sett. 2014 (AS 2014 2629; BBI 2013 3009).

¹⁰¹ SR 172.010

¹⁰² Versiun tenor la cifra I da la LF dals 24 mars 1995, en vigur dapi il 1. da favr. 1996 (AS 1996 214; BBI 1991 III 1121).

¹⁰³ Integrà tras la cifra I da l'agiunta da la LF dals 21 da dec. 1995, en vigur dapi il 1. da fan. 1997 (AS 1997 1155; BBI 1993 II 1445).

¹⁰⁴ Integrà tras la cifra I da l'agiunta da la LF dals 21 da dec. 1995, en vigur dapi il 1. da fan. 1997 (AS 1997 1155; BBI 1993 II 1445).

6. sezioni Disposiziuns finalas¹⁰⁵

Art. 25b¹⁰⁶

Restituziun
da palids e da
cuntradas da pali

¹ Ils chantuns designeschan ils stabiliments, ils edifizis e las midadas dal terren ch'en vegnids fatgs suenter il 1. da zercladur 1983 en palids ed en cuntradas da pali da bellezza particulara e d'importanza naziunala, che cuntrafan a las finamiras da protecziun e che n'en betig vegnids permess cun vigur legala sin basa da zonas d'utilisaziun che correspandan a la Lescha davart la planisaziun dal territori¹⁰⁷.

² En la cuntrada da pali da Rothenthurm designeschan ils chantuns Sviz e Zug ils stabiliments, ils edifizis e las midadas dal terren ch'en vegnids fatgs suenter il 1. da zercladur 1983 e che crodan sut la disposiziun transitorica da l'artitgel 24^{sexies} alinea 5 da la Constituziun federala¹⁰⁸.

³ La restituziun dal stadi oriund vegn ordinà da quella autoritat chantonala u federala che fiss responsabla per decider davart la permissiun u davart l'execuziun da projects correspondents. En connex cun la restituziun dal stadi oriund sto vegnir resguardà il princip da proporzionalitat.

Art. 25c¹⁰⁹

Art. 25d¹¹⁰

Disposiziun
transitorica tar la
midada dals
21 da mars 2014

Ils artitgels 23n e 23o èn applitgabels per causals che sa refereschan a l'access a resursas geneticas che ha gi lieu suenter l'entrada en vigur da questas disposiziuns.

Art. 26

Entrada
en vigur¹¹¹

Il Cussegli federal fixescha il termin che questa lescha entra en vigur. El decretescha las prescripcziuns executivas necessarias.

¹⁰⁵ Versiun tenor la cifra I da la LF dals 24 mars 1995, en vigur dapi il 1. da favr. 1996 (AS **1996** 214; BBl **1991** III 1121).

¹⁰⁶ Oriundamain art. 25a. Integrà tras la cifra I da la LF dals 24 da mars 1995, en vigur dapi il 1. da favr. 1996 (AS **1996** 214; BBl **1991** III 1121).

¹⁰⁷ SR **700**

¹⁰⁸ [AS **1988** 352]. A la disposiziun numnada correspunda oz l'art. 78 al. 5 da la Cst. dals 18 d'avr. 1999 (SR **101**).

¹⁰⁹ Integrà tras la cifra I da l'agiunta da la LF dals 21 da mars 2003 davart la tecnica genetica (AS **2003** 4803; BBl **2000** 2391). Aboli tras la cifra 43 da l'agiunta da la Lescha federala dals 17 da zer. 2005 davart il Tribunal administrativ federal, cun effect dapi il 1. da schan. 2007 (AS **2006** 2197 1069; BBl **2001** 4202).

¹¹⁰ Integrà tras l'agiunta dal COF dals 21 da mars 2014 (Protocol da Nagoya), en vigur dapi il 12 d'oct. 2014 (AS **2014** 2629; BBl **2013** 3009).

¹¹¹ Integrà tras la cifra I da la LF dals 24 da mars 1995, en vigur dapi il 1. da favr. 1996 (AS **1996** 214; BBl **1991** III 1121).

Data da l'entrada en vigur: 1. da schaner 1967¹¹²

¹¹² Conclus dal Cussegli federal dals 27 da dec. 1966.

